

孝

經

內

外

傳

孝經外傳卷之四目錄

元

三戴

廖人俊

王閏

樊淵

揭侯斯

廉希憲

王思聰

徹徹擔

古思氏

張紹祖

不忽木

郝經

烏古孫澤

蕭道壽

湯霖

唐頌

廉惠山

沈瑄

胡景清

宗杞

訾汝道

余丙

王士弘

鮑壽孫

祖浩然

陳彥廉

吳國保

邵敬祖

胡光遠

陸孝思

劉通

尹辛

孫抑

葉雋

高必達

李奉先

王薦

賴祿孫

姚玘

周樂

李茂

靳昺

劉琦

王庸

黃贊

張子英

史彥斌

石永壽

呂祐

易文炳

張永清

魏敬益

王克己

劉思敬

祝公榮

蔡恢

過宗

潘應定

會德

高源

張起巖

尹夢龍

張恭

龐遵

徐允讓

丁鶴年

趙一德

明

晉府西河王

朱勇

姚伯華

季煦

魏文昌

錢遜

鈕政

程通

程其祿

梁庠

陳圭

王世澤

饒鳳翔

駱正

魏敏

鮑燦

譚紀

李得成

蘇旻

馮瓌

莫轅

呂師賢

喻德昭

趙說

郝安童

鄭英

歸鉞

楊巍

藍純

張宗魯

陳榮

唐謙

徐世華

瞿嗣興

穆崇

龔仲賢

王世名

顧仲禮

錢迺

岑義

周炳

王弼

呂賢

師遠

金彥文

厲季先

許欽

王中

桂恭

趙讓

謝佑

崔永

趙巖

季厚禮

紀賢

葛泰

干纓

洪祥

傅海

曹昌

柏英

毛玘

甘澤潤

江昭

閔玄

戴瑱

倪神保

單植

洛忠

王原

王弘爽

孫瑾

沈輔

阮珩

孫堪

亢良玉

金洲

樸素

李轅

吳鴈

宋璜

包實夫

馮履祥

陳清福

侯英侃

易直

聞宗時

馮行可

毛愷

賴汝威

邵祥

汪存

李文欽

崔克昇

許立德

解禮

班言

舒倬俊

羅天奎

鄭泗

陽可幸

秦涇

凌汝祥

楊乙

巧兒

孝經外傳卷之四目錄終

孝經外傳卷之四

楚黃李之素定庵編輯

元

三戴

焞字晉翁弟焞字召翁焞字恕翁婺源人父沒相與廬墓朝夕致盥沃上食如平生既除喪率不廢著有歷代人臣正邪龜鑑世號三戴

廖人俊

人俊寧都人元初父死於寇母亦被掠時俊甫十歲與

祖母居既長覓得父骨於叢塚間又遍訪母聞已沒於
滄州欲往負骨異母弟不許遂刻像合塋焉吳徵有文
記其實

王閏

閏須城人父性乖戾不甘淡泊閏竭力營奉無闕甚得
歡心父嘗臥疾夜然燈室中火起燄已蔽戶乃突入解
衣蒙父抱而出肌體灼爛而父無少傷

樊淵

淵字浩翁句容人幼失父奉母避兵茅山兵至欲殺其

母淵抱母號哭以身代賊而釋之母凶發喪哀感行人
服闋奉神主事之起居飲食十年如平生臺憲交薦淵
不忍去墳墓終不起

揭侯斯

侯斯字曼清富州人父來成宋鄉貢進士侯斯幼貧讀
書尤刻苦晝夜不少懈父子自爲師友事親菽水粗具
而必得其歡心既有祿入衣食稍踰於前輒愀然曰吾
親未嘗享是也故平生清儉至老不渝

廉希憲

希憲字善甫布魯海牙子也世祖時官中書平章政事
丁母憂循古喪禮慟則嘔血不能起寢臥艸土廬於墓
旁宰執欲起之相與詣廬聞號泣聲竟不忍言未幾有
詔奪情起復希憲不敢違旨然出則素服從事入則衰
經及喪父亦如之

王思聰

思聰安塞人素力田農隙則教諸生得束脩以養親母
喪盡哀父繼娶楊氏事之如所生以家多幼稚侵父食
別築室曰養老堂朝夕定省久而不怠父嘗病劇思聰

憂甚拜祈於天額膝皆成瘡得神泉飲之愈後復失明
思聰舐之卽能視

徹徹擔古思氏

徹徹擔古思氏幼喪父事母篤孝稍長母沒慟哭頓絕
既塋居喪有禮每節序祭祀哭泣常如袒括時年四十
餘思慕猶如孩童每見人父母則嗚咽流涕人問故曰
人皆有父母我獨無是以泣耳

張紹祖

紹祖潁州人奉父避賊山間賊至執其父將殺之紹祖

泣曰吾父者德善人不當害請殺我以代父且若等非
父母所生乎何爲害人父也賊怒以戈擊之戈應手挫
銳因感而相謂曰此真孝子不可害釋之

不忽木

不忽木一名時用字用臣素貧躬自糞汲妻織紝以養
母後因使還則母已卒號慟嘔血幾不起

郝經

經金人河南亂民匿窖中亂兵以火熏灼之死經母許
亦死經以蜜和寒蕪挾母齒飲之卽蘇時經九歲時人

異之金叵徙順天晝則負薪米爲養暮則讀書

烏古孫澤

烏古孫澤至大元年爲福建廉訪使以母年踰八十求歸養長沙歲餘母喪澤以哀毀卒

蕭道壽

道壽興平人母年八十餘事養盡禮每旦候母起夫婦親侍盥櫛日三飯必侍母先然後就食至夕侍母寢然後就寢或母怒必進杖伏地受責謝過候母色喜乃敢退

湯霖

霖字伯雨新建人早喪父母嘗病熱思得水時天甚煥霖累日號哭池上忽聞池中戛戛有聲拭淚視之乃水澌也亟取奉母疾遂愈

唐頌

頌字德雅番禺人奉養以孝聞連遭父母喪摧毀幾至滅性逮塋躬負土壘塚左爲小廬覆以苫茨寢處其中扶服哭踊朝夕奉盥進膳事之如生者六年有甘露降於樹馨郁霽霽彌月不已造訪者見白鹿拾艸廬次咸

異之人稱爲唐大壽

廉惠山

惠山海牙希憲之從子也幼孤言及父輒泣下獨養母而家日不給垢衣糲食不以爲耻母沒哀毀踰禮負喪渡江而風濤作舟人以神龍忌屍爲言乃仰天大呼曰吾將祔母於先人神奈何阨我也風遂止

沈瑄

瑄字君玉母病目或云平旦以舌舐之可愈瑄行之三年果復明父患瘖疾不能立瑄扶掖日不少離聞李神

鍼者要致之先以身試痛甚恐父不能勝固請止是夜
父夢神人語曰汝子孝吾爲鍼之鍼下驚醒汗浹疾遂
愈

胡景清

景清龍谿人元兵下漳南時年五歲倉卒失母稍長每
念及涕淚潸然辭父尋焉忽於燕市知母處踰年始得
之母子不相見者四十餘年事聞詔旌表之仍給驛以
歸

宗杞

杞大都人年十九父卒號泣絕而復甦水漿不入口者三日過哀成疾自度不起囑其妻楊氏曰汝善守志事吾母遂卒

訾汝道

汝道濟河人少孤母高氏嘗寢疾晝夜不去側一日母屏人授以金珠若干曰汝素孝可善藏之汝道泣拜曰父母起艱難不肖恨無以報恩尚敢受此乎竟悉讓於弟母卒哀毀踰禮不御酒肉蔬食終制

余丙

孝義外傳
丙遂安人幼喪母泣血成疾父凶不忍葬結廬古山下
殯其中日閉戶守視有牧童遺火延殯廬丙與子亟撲
不止欲投身火中同柩俱焚俄而暴雨火滅

王士弘

士弘延安人父疾篤乃傾家貲求醫見醫卽拜遍禱諸
神叩額成瘡父沒哀毀盡禮廬墓三年足未嘗至室墓
上奇雀來巢飛鳥翔集與士弘親近而相狎終喪而建
祠於塋前朔望必進奠祭雖風雨不廢也

鮑壽孫

壽孫歛人至元中盜起與父皆被獲父子爭相代死盜仍兩持之忽林間大風起羣賊疑兵至駭散父子俱得免

祖浩然

浩然字養吾浦城人至元間黃華盜起掠其母以去浩然纔六歲不相聞者二十八年日夜思慕福建帥府檄爲書院長將之任忽有告以母在河南而不能名其地遂惻然棄職辭父造尋之間關數千里得見於唐州奉以來歸

陳彥廉

彥廉餘干人父商於閩溺死海中彥廉有才名交遊多
一時名流最與黃子久友善居硤石東山終身不至海
上一日子久必欲拉同海上觀濤不得已隨至城郭乃
泣謂子久曰陽侯吾父仇也恨不能如精衛以木石塞
之何忍相見子久亦爲之動容不看而返因爲作仇海

賦

吳國保

國保雷州人父喪廬墓哀毀大德間境內蝗害國保田

無損

邵敬祖

敬祖宛丘人父母相繼沒河決不克塋殯於城西乃露
依其側風雨不去友人哀之爲葺艸舍庇之前後居廬
六年而憚成濕疾

胡光遠

光遠太平路人母喪哀思不輟一夕夢母欲食魚晨起
無從購祭行泣至墓早有生魚五尾列墓前俱有嚙痕
土人轟傳聚觀有獺出艸中浮水去始知是獺所獻

陸思孝

思孝山陰樵者母老病劇醫禱久不效思孝欲割股爲糜以進忽夢寐中若有神人授以藥劑思孝得而異之卽以奉母母疾遂瘳

劉通

通家貧業農母卜氏好聲樂每炫技者以簫鼓至門必令娛侍或自歌舞以悅母心卜氏目失明通誓斷酒肉禱之三十年不懈卜氏年八十五忽復明

尹莘

莘洧川人遊學京師忽患母疾心惟之馳歸母已亾居廬蔬食毀頓骨立每鷄鳴而起手泊祭饌詣墓所哭奠之風雪不廢父嘗病疫莘侍奉湯藥衣不解帶嘗其糞以驗差劇夜則禱於天曰莘母亾不能見父病不能治爲人子若此何以自立於世願死以代父數日父愈

孫抑

孫遺關中之變挈父母妻子避兵平陽之栢村有亂兵至援刃嚙抑母求財不得欲斫之亟以身蔽請代受斫母乃得釋而抑父被掠去或語之曰汝父被驅而東矣

然東軍所得掠民皆殺之汝慎無往就死也抑曰吾可畏死而棄其父乎遂往出入死地屢瀕危殆卒得父以歸

葉雋

雋字良弼松溪人祖母年高足疾不能動屢雋昇而起臥者五年至正間父死於賊傾家貲募壯士從間道入賊境殺其渠魁載父屍以還事聞授南豐州同知力辭不拜廬於墓次自號湛盧樵者

高必達

必達建昌人五歲時父明大忽棄家遠遊莫知所適既長晝夜思慕乃娶妻以養母遍訪四方歷十餘年始得見於黃縣全真道院中號虛明子學道三十年矣叩頭乞歸孺養篤至鄉人稱之

李奉先

奉先葉縣人父卒既葬泣曰憶兒時父嘗戒家人曰兒幼弗令入林野慮有驚怖今親沒一旦棄於此吾心惻然安所忍乎乃結廬於墓次植樹數百株時呼爲孝子林

王薦

薦福寧人父疾醫不效禱天滅筭益父壽果得延一紀
母嘗病渴思瓜時冬月薦至深嶺值大雪仰天而哭忽
見石間青蔓離披有二瓜焉摘歸奉母渴頓止

賴祿孫

祿孫汀州寧化人延祐間顛寇作亂乃負母挈妻入山
寇至將刃其母祿孫以身翼蔽曰寧殺我毋傷我母時
母病渴覓水不得祿孫含唾哺之寇相顧駭嘆不忍害
反取水與之有欲掠其妻去者衆寇責之曰奈何辱孝

子婦使歸之

姚玘

玘淞人元季奉母避兵至河上無舟可渡母泣曰追兵且至吾誓不受辱遂欲自沉玘急挽母俱溯水中頃之負母出已過河矣爲淮兵所執疑其從苗中來傳之渚上軍得辨白帥賢之署爲部史玘朝夕念母泣以告帥遂去母病思食魚有猿致白魚於門長盈尺湘臺聞而辟之以母老辭不就

周樂

樂瑞安人方國珍竊據温州拘其父置海舟上樂隨往
事其父甚謹一日賊酋遣人沉其父於江樂泣請曰我
有祖母幸留父侍養請以已代不聽樂抱父不忍捨遂
同死

李茂

茂大名人徙家揚州母目喪明禱於秦安山三年復明
忽夜失火延燒千餘家及茂廬返風而滅

靳曷

曷曲沃人兄榮爲奎章閣承制學士奉母王氏官於朝

母沒曷與兄護喪還家至平定大雷雨水驟至曷伏柩
上榮呼之避水曷不忍舍去遂爲水所漂沒後得王氏
柩於三里外詔賜孝子靳曷碑

劉琦

琦臨湘人生二歲而母氏遭亂陷於兵琦獨事其父稍
長思母不置常歎曰人皆有母而我獨無輒歔歔泣下
及寇請於父往求其母徧歷河之南北淮之東西數歲
不得後於池州之貴池迎以歸養其後十五年而父沒
又三年而母沒終喪猶蔬食

王庸

庸歸信人母有疾夜禱北辰至叩頭出血母疾遂愈及母卒哀毀幾絕露處墓前旦夕悲號一夕雷雨暴至鄰人持寢席往欲蔽之見庸所坐臥之地獨不濡濕咸嘆異而去

黃贊

贊臨江人父求官京師時贊年幼留江南及長聞其父娶後妻居永平乃往省之則父沒已三年矣庶母聞贊來盡挾其貲去更嫁拒不見贊號泣謂人曰吾之來爲

省吾父也今吾父已沒思奉其柩歸而窆之莫知其意苟得見庶母示以葬所死不恨矣尚忍利遺財耶久之聞庶母居海濱亟裹糧往庶母復三日不納庶母之弟憐之與偕至永平屬縣樂亭求父墓又弗得贊哭禱於神一夕夢老人以杖指葬處曰見片磚即可得明日就其地求之庶母之弟曰真是已殮時有某物可驗啟朽棺得父骨以歸

張子英

子英建寧人幼孤侍母王氏元季盜賊攔擄妻子俱被

掠子英負母逃避備經險阻寓居黃溪傭書爲養母嘗
思婦與孫寢食不安子英跪曰但得母安妻子可復返
賊退遂奉母歸妻子亦果得還

史彥斌

彥斌邳州人至正中河溢鄰邑墳墓多壞斌母卒塋時
慮有後患爲厚棺刻銘其上明年墓果爲水漂彥斌縛
艸人置水中仰天祝曰願天默佑假此靈芻指示母棺
所在自乘舟隨艸人所之行三百里經十餘日艸人止
桑林中果得母棺焉

石永壽

永壽新昌人事親謹慎晨夕必問起居承候顏色元末兵亂父被執兵欲殺之永壽亟抱父請代兵遂殺永壽其父獲免鄉人哀之

呂祐

祐晉江人元末郡城破有卒拔刀脅其母索財不得祐奪其刀手指俱落仆地良久復開目視曰母幸無恙兒瞑目矣

易文炳

文炳襄陽人隨父徙居沔陽父喪廬墓三年不見齒時人敬慕多遣子弟從之遊稱爲易孝子居前有池產蓮一蒂二花咸以爲孝所感

張志清

志清少事親孝極耐辛苦東海珠牢山舊多虎清結艸居之虎皆避徙然頗爲人害清曰是吾奪其居也後家臨汾地大震城郭邑屋摧壓死者不可勝記清所居裂爲二無損焉

魏敬益

敬益容城人居母喪哀毀骨立有田僅十六頃一日語其子曰自我買四莊村之田十頃環其村之民皆不能自給吾深憫焉今將以田歸其人汝僅守餘田可無餒也乃呼四莊村民諭之曰吾買若等業使若等貧不聊生有親無以養吾之不仁甚矣請以田歸若等衆聞皆愕然不敢受強與之乃受而言之有司有司以聞丞相賀太平曰世乃有斯人哉

王克已

克已父沒負土築墳廬於墓側貊高縱兵暴掠縣民皆

逃竄克已獨守墓不去家人呼之避兵克已曰吾誓守墓三年以報吾親雖死不可棄也俄而兵至見其身衣衰經形容憔悴曰此孝子也遂不忍害竟終喪而歸

劉思敬

思敬事其繼母杜氏沙氏孀養之至無異親母父年八十兩目俱喪明會亂兵剽掠其鄉思敬負父避於窟穴中有兵至欲殺思敬思敬泣曰我父老矣又無目我死不足惜使我父何依乎兵憐之皆免於難

祝公榮

公榮字大昌麗水人隱居養親親沒柩在室竈災失火
公榮力不能救乃伏棺悲哭其火自滅塑二親像於堂
朝夕事之如事生焉

蔡恢

恢字汝大南康人事親菽水盡歡遠近咸稱之至大間
郡長燕只不花厚禮之聞於朝命未下年九十有八卒

過宗一

宗一海鹽人父早喪事母勤謹張士誠陷姑蘇時負母
逃遇寇以身蔽母中數鎗賊捨而去

潘應定

應定嘉興人母喪廬墓哀號無間時有桂花變色白鶴來翔之瑞左丞周伯琦爲書雙楨二字揭於墓所

曾德

德漁陽人宗聖公後裔母早亾父再娶左氏遊襄陽樂其土俗因家焉亂兵陷地遂失左氏德徧達南土求之五年乃得於廣海間奉迎以歸孝養備至

高原

源僉江南浙西道提刑按察司事劾常州路達魯花赤

馬怒奪民田及他不法事怒懼走賂權臣阿合馬以他
事誣源既繫獄一日忽釋之莫知所由先時源所居鄰
里多阿合馬姻戚素知源事母至孝至是聞源坐非辜
悉詣阿合馬曰源孝子也非但我知之天必知之况媒
孽之罪非寔若妄殺源悖天不祥阿合馬因感悟

張起巖

起巖章丘人少處窮約下帷教授躬致米百里外以養
父母撫弟如子教之宦學無不備至

尹夢龍

夢龍母喪負土爲墳結廬居其側手書孝經千餘卷散
鄉人讀之有羣鳥集其塚樹

張恭

恭偃師人以兵都符署案牘親老辭歸侍養掃理先墓
身負水灌松柏父喪過哀侍母馮氏尤謹歲凶恭夫婦
採野菜爲食而營奉甘旨無乏母有疾恭手除溷穢喂
哺飲食且嘗糞以驗疾勢天曆初西兵至河南居民悉
竄恭守視母疾項中一劔不去母驚悸而沒恭居喪盡
誠人稱孝焉

龐遵

遵永平人母病腫三年不起忽思食魚遵求於市不得求於港口歎恨不已忽有魚躍入其舟作羹以獻母母悅而病瘥

徐允讓

允讓山陰縣人遭元末兵亂允讓以妻潘氏奉其父安避兵山谷間遇寇砍安頸流血允讓抱安大呼曰寧殺我勿殺吾父寇卽捨安殺允讓將辱潘潘給曰我夫已死從汝必矣若能焚吾夫則無憾矣因縱潘聚薪焚其

夫火方熾潘郎投火中死寇驚嘆而太安得不死洪武間有司以孝聞上以允讓能捐生以救父死潘氏能全節以盡婦道詔旌孝節之門

丁鶴年

鶴年其先西域人至正間舉進士卜日塋父霖雨不止鶴年仰天號泣翼日雨霽塋畢雨如初兵亂後失母墓所在悲慕深切夢母告以塋所卽其地得之見母屍正中一齒如液復嚙指滴血試之良驗遂改祔父壙人呼

孝子

趙一德

一德新建人元兵南伐被俘至燕爲鄭畱守家奴歷事三世號忠幹至大間一德請於其主鄭阿思蘭及其母澤國太夫人曰一德自去父母得全生依門下者三十餘年矣故鄉萬里未獲歸省雖思慕刻骨未嘗敢言今父母已老脫有不幸則永爲天地間罪人因伏地滄泣不能起阿思蘭母子皆感動許之歸期一歲而返一德至家父兄已沒惟母在年八十餘一德卜地葬二樞畢欲少畱事母懼得罪如期還燕阿思蘭母予嘆曰彼賤

隸乃能是吾可不成其孝乎卽裂券縱爲良一德將辭
歸會阿思蘭以寃將被誅詔簿錄其家羣奴各亾去一
德獨奮曰主家有難吾忍同路人耶卽畱不去詣中書
訴枉狀得昭雪還其故籍太夫人勞之曰疾風勁艸於
汝見之何以報汝分美田廬遺之一德謝曰非有利於
是也重哀主人無罪故畱此以報耳今老母年八十餘
得歸侍養賜已厚矣何以田廬爲不受而去

明

晉府西河王

王朱竒溯母病渴王仰祝天甘泉湧出病愈建醮酬謝
雙鶴飛繞壇前母卒哀毀不勝官塋古栢生花異香襲
室

朱勇

勇朱能子性至孝居喪哀慟人不能堪正統初提兵禦
虜沒於陣追封平陰王

姚伯華

伯華桐廬人元末寇亂同父母避於闔原山猝遇盜推
之壟下伯華趨視已死以二被裹尸擔之從間道犇桐

江夜無舟渡俄漁人棹小艇來載登南岫復擔至姚家
山採木葉掩尸以木錐掘土既饑不任又慮盜窺晝伏
夜作踰宿穴成負二骸殞焉痛哭嘔血去明與時時悲
思痛二親死非其所冬月擁爐泣淚炭爲不然祭祀執
爵哀哀呼父母如在膝下每憶逃難之日困乏艸履幾
不免乃以一銀釵購得之自是閒卽手織艸履以施貧
者而弗取直終其身如是有孫八人吏部尚書夔河南
叅政龍最顯

季煦

洪武中官吏有罪者輸作城役季用任福州僅五月以罪當輸季用病謂其子煦曰吾力竭矣煦奮曰爲人子而不能脫父之阨何以生爲具以狀聞上哀之乃赦季用復其官時因季用得復者十四人皆羅拜季用謝曰微君有孝子吾等骨皆城土矣

魏文昌

文昌華容人父獲死罪繫武昌獄文昌詣闕上疏願以身代高廟許之臨刑語其弟曰謹事二親如吾生時也遂伏法時年十八歲朝野哀之

錢遜

遜字謙伯母病侍湯藥久而不息及卒廬墓終喪明初薦用

鈕政

政安邑人父死廬墓墓前有蘇一株冬夏常茂一烏栖其上政哭烏亦悲鳴

程通

通字彥亨績溪人洪武中領鄉舉入太學聞父沒於外哀訪至江西之吉安始得奉喪以歸厥後以祖平遠謫

陝西上表乞釋之其畧曰臣幼失父止有祖坐法流陝西遠隔四千里外今年七十有四熒然無依臣無父祖猶父也祖老而無子孫猶之子祖孫二人更相爲命今邊徼健士如林豈少臣祖一老卒乎辭極懇切上持其章不下密命驛召平至立殿之東並召通使西嚮立顧謂通曰汝識此人否祖孫相視哽咽上嘆曰孝哉此人命兵部除其籍

程其祿

其祿歛岑山人母病願以身代母喪之後日食餹粥十

有四年有大蛇環土室欲噬祿祿泣告以母故蛇即去
自廬墓後終身不入閭闔

梁庠

庠麻城白杲人母王氏篤疾庠身不離榻衣不解帶者
三載里人稱爲苦孝

陳圭

圭字錫玄黃岳人洪武中父叔弘罪當死圭奏願代父
上喜曰不意今日乃復有孝子欲赦其罪刑部尚書開
濟奏曰罪有當刑不宜屈法以開僥倖之路遂聽圭代

父死

王世澤

世澤字胤大新都人生一歲父客死留一詩扇囑遺孤
及長索扇亦亾多方重購得之每展閱淚盈盈下年九
十哀慕如初先是扶櫬歸道遇虎人從驚散虎仰視澤
垂首而去

饒鳳翔

鳳翔安陸人爲郡諸生事父母竭力逮喪坐臥柩旁奠
告如生廬墓六年始歸朔望猶往雨雪不廢

戰正

正字德義高密人父喪於大寧正遑奔取父骨徧訪弗獲仰天號泣忽一老人備告之遂破中指滴血裹負而歸後中鄉舉不仕

魏敏

敏鞏縣人洪武間舉進士授吏科給事中母病請告歸皆未至而母卒勺飲不入口者五日廬墓三年旦夕哭奠如初喪

鮑燦

煇字時明新安人母余氏年七十兩足俱病疽醫藥經年不效燦晝夜吮之不泔旬愈時客居汴周王聞之書存愛二字表其堂

譚紀

純字廷憲蓬州人父有足疾扶侍四十年不少間父沒泣血三年不御酒肉建思親臺時登悲痛至老不替

李得成

得成涑水人母張氏避兵自投於河得成夢母在河水下乃臥冰七日水釋得之洪武中舉孝廉遷尚寶司丞

蘇旻

旻字舜夫嘉定人父病竭力迎醫弗愈及卒哀毀疾甚負土治墓結廬寢食其中一日雨水侵墓荷鍤決之獲金百錠盡買藥治棺以施人父產悉讓諸弟

馮瓌

瓌慈谿人父失明臥床褥凡十五年瓌事之惟謹家貧里人王鐸延之家塾每有珍味瓌輒不食鐸覺之必先餽其父然後饌瓌始食父有老婢病瓌爲奉湯藥或訝之瓌曰吾父存日賴其周旋若忘之是忘吾父也縣

令欲疏以聞瓌曰此子行之常若以希褒錫是市名也
力辭

莫轅

轅字吳仲吳江人父繫獄將刑轅年十一願代父死理
官奏而釋之一日鄰火偏其居轅躍入火中抱母以出
鬚鬢盡燎鄉人謚爲貞孝先生

呂師賢

師賢字愚鄉幼失怙恃年十三時叔父琴山無子訓育
之欲使爲嗣對曰賢賴叔父教養之恩固不敢忘然先

人無別子使某嗣叔父則先人無嗣矣叔父求子憐之
佳者嗣之琴山如其言而賢益刻志孝養叔父沒服喪
三年年一百零三歲無疾而終

喻德昭

德昭臨川人父移鳳陽時方六歲父母俾所親育之年
十四詣鳳陽求之越十年得見父於漢中屯所而母已
沒乃扶歸比塋廬墓哀慟常如初竟卒於墓旁

趙說

說麻城仙居鄉人以詩書教授生徒父母同日死居喪

盡禮泣血廬墓感二白鶴馴擾墓側正統間旌表其門

郝安童

安童永州祁縣人父戍定遼卒安童應補役以母老無他兄弟供養且有姑守節老而無依亦仰給於童因詣闕陳情太祖以爲孝子詔免其軍役復其身

鄭英

英字伯華事親勤謹父老病劇虔禱於東嶽行祠求以身代父病隨愈越數載卒哀毀踰禮旣葬舉明經以母老辭母數邁疾侍湯藥未嘗解帶親爲滌溺器及母卒

竭資產營葬復以明經孝弟舉授廣西南寧府經歷

歸鉞

鉞早喪母父娶後母鉞失愛父手提鉞後母輒持大杖與之曰母徒手自傷家貧食不足贍遂之困頓匍匐道中後母復語其父曰有子不家居出外作賊耳父復杖鉞鉞以饑故面黃體瘠每歸依依戶外欲入不敢俯首吞聲竊自飲淚人莫不憐之父卒後母獨與其子居擯鉞鉞因販鹽市中時問母起居致甘鮮焉會歲饑後母與弟不能自活鉞泣迎母母內慚鉞事之愈勤謹

楊魏

太宰楊魏每朝叅畢閉門謝客便服侍母側盥漱卮盃搔摩扶掖無不親之春日爲村裝纈母夫人負之背迤遷行花叢中婆娑香蔭歡娛竟日旋以養母乞歸母壽至一百四歲

藍純

純江陵人應貢將赴南雍以父老不行刺史吳彥華曰只此一念可當孝子父卒廬於墓門不忍歸士林慕之

張宗魯

宗魯開封府鈞州人四歲失明二十遭亂負母路氏逃
難其妻扶掖以行歲饑宗魯賣卜以爲養日給不足妻
則採野菜以繼之天下既定乃奉母還故鄉母卒仍求
其前母合葬父墓詔表其孝行

陳榮

榮建寧人天啟中郡城水災民漂沒榮與母兩地隨流
各附一木及達岍卒遇其母先是官舫中一郡守夜夢
神告次午有孝子附舟守艤船以待至日中一木衝岍
則榮附其上焉守驚詰何以孝遽動天榮曰某何知孝

惟一老母頃刻不敢忘耳

唐豫

豫字用之海南人性篤於孝早失怙恃作蓼莪亭以寓悲思隱居授徒自號樂淡

徐世華

世華字士英父授鄉明初以保障死難世華童年詣軍營扶柩歸塋尋爲賊所掠泣告曰華不幸早失怙母老無依賊憐得釋母病願代果卒附塋父側鄉人稱其墓爲忠孝塚

崔嗣興

嗣興字華卿常熟人母思食芟時芟始花求之不得嗣興入水半日忽得三芟宋景濂傳其事

黎崇

崇字好禮南城人居親喪哀毀踰制啜糜飲水三月不進鹽菜三年不櫛沐終喪猶縞衣諱日輒哭臨不止

龔仲賢

仲賢光澤人早喪父家貧母紡績以撫養之稍長母卒仲賢痛念不已刻木肖像以奉飲食衣服出入有事必

以虔告朝夕不怠凡十八年如一日鄉人稱慕之

王世名

武義孝子王世名年十七父爲人殺世名恐殘父屍不敢出理乃陽與息密購一刃上銘報仇二字母與妻不知也服闋遊邑庠又三年生一子忽語母曰兒可死矣遂逞殺仇者赴邑請死邑令憐而欲全之世名曰殺人者死國法也奈何以吾廢法乎竟不食死孝廉張鳳翥爲之傳

顧仲禮

仲禮保定人幼孤歲凶見蝗食其田苗泣曰吾將何以
養母乎俄頃大風蝗盡散去苗竟不傷

錢迪

迪更生之子更生坐事當刑迪求以身代上許之死時
年十八更生得優老而終

岑義

義邳州人父泰母蘇氏義竭力供甘旨之養母疾籲天
願減年以壽母母盲義朝夕舐之目復明父母卒苦塊
幾毀合塋岨山下跣足負土成墳廬墓三年甘露降於

墓樹

周炳

炳舞陽人。事母雋氏。定省無違。母病思食。樟肉乃四出。求之弗得。擬次日入山。是夜忽有樟入其室。殺以啗母。病尋愈。

王弼

弼徐州人。十歲喪父。哀毀幾絕。洪武中以薦。知樂安縣。迎母就養。母病。願以身代。母年九十卒。躬負土廬墓。三年哭泣不輟。召拜文華殿大學士。辭不稱。朝廷不允。

欲以風勵天下之爲人子者尋改通政司右叅議致仕
仍旌表其門曰孝行

呂賢

賢字良器鄞人早遊邑庠父喪母俞氏孀居遂棄業歸
養母嘗三遭疫疾而逝賢日夜扶侍卒不樂值旁室火
災勢迫母極賢呼天觸地俄而反風轉燄方得移柩丈
許燄復闔室矣

師達

達字九達東阿人少孤年十三母疾危殆思食藤花菜

亟出尋求至城南郊外二十五里得之及歸夜已二鼓
道遇虎達驚而呼天虎捨之去母食菜而疾愈

金彥文

彥文休寧人三歲喪父七歲舅奪母志祖母高撫育成
童家貧採薪負米以資甘旨祖母沒殯塋盡禮母寡居
迎歸孝養母病齋禱備至得愈

厲孝先

孝先少貧父被誣京師身往代白其事後父遭疾卒扶
柩維艱有助之者曰八千里外汝一窮人不若焚化之

卷之九
為善孝先泣而不聽輒欲自鬻鄉人有仕於朝者賻貸之竟得歸葬

許欽

欽績溪人年十六教授於鄉兄弟貧以已田讓之獨養父母有疾湯藥必親調告天求以身代父母相繼卒哭聲人不忍聞

王中

中登封人家業農母沒廬墓三年身被衰麻日食飢粥旦夕哭奠未嘗櫛髮易衣墓側無水浚井四丈餘不得

泉中環井再拜頷天泉乃湧出

桂恭

恭慈谿人父宗蕃邑庠生以楷書預修永樂大典書成
將授官得疾告歸恭甫八歲卽能承順顏色侍奉湯藥
頃刻不離左右來問疾者見語意相得卽具饌設欸以
悅親心父性嚴急稍不適意輒怒不食恭跪床下候怒
觸方起溷廁沐浴承嘗委之婢僕四十年如一日東鄰
火迫父不能起恭抱父號慟須臾風止火滅後恭得疾
類其父忽有老人授以丸藥出門不知所送恭服之病

遂起

趙讓

讓肥城人家貧幼孤傭力以供母母卒號泣絕而復蘇廬於墓旁有虎夜至讓但悲傷虎自避去後有劫人廬讓告止有米數升以爲母忌祭資賊感歎以百錢遺之

謝佑

佑字廷佐桐城人少孤事母至孝嘗讀書於牛背正統成進士歷官山西布政致仕卒母喪未終遺言以衰絰爲殮以終吾喪

崔永

永字彥齡海鹽人七歲喪父其母更適里人桑慎從成
海南永思母不置遂徒步走海南行次瓊州得見母會
慎沒永求歸母所司不可乃哀請於朝許之歸舟遭風
母失水永入水負母得活而永竟以寒疾終布政使茹
大素塋祭之海南人至今稱崔孝子云

趙巖

巖堂邑人母亾奉父甚謹家貧嘗借貸以供給艱苦不
使父知父沒合母塋建祠墓側圖親容事之如生永樂

中旌其門

季厚禮

厚禮無爲人晨昏奉親下氣怡色父母終廬墓六年不食鹽味子立居厚禮喪亦不御酒肉廬墓三年母沒又廬墓三年孫廷春於宣德間母喪結廬墓側茹蔬飲粥者三年猶一日人謂其一門純孝云

紀賢

賢字若愚任丘人少孤竭力事母顧氏第四人呱呱仰給維持哺鞠以至成立每日必視母寢定然後就室著

家範數十條終其世同幾者五十餘人咸化其德賢先
母卒囑其子曰塋吾必傍吾母壽域以畢吾廬墓之志

葛泰

泰字文彬績溪人老母病篤思食生梅時八月無存者
泰遇梅樹輒撫之涕泣忽得二枚如初熟者

干纓

纓字應庵和州人里塾師之父沒盡哀不茹葷不作佛
事廬墓終制而後歸又十三年母沒哀毀如父喪有司
欲舉旌典纓力辭曰職分之所當爲顧纓何人敢當盛

典

洪祥

祥字士高黃梅人父友璋病癘祥侍臥起粥餌衣被垢穢必躬治之垂一載餘父念其勞久乃強起語曰我病少愈可無須人汝姑去第留一僕侍我祥佯諾其夜仍伏父榻旁夜半父起呼僕不寤力怠而仆忽有一人掖之驚曰爲誰祥曰兒也父子於暗中相持大哭父曰天乎兒孝至矣疾良已祥竭力承事得優游十餘年始卒悲思不置嘗見父形於醮薦鏡中年九十七終子六人

俱賢

傅海

海威縣人父沒廬墓三年不令妻子相見建一祠安父母畫像晨昏奉奠夜有虎來墓所海正色視曰我爲父母生死所不恤虎遂去

曹昌

昌字德隆壽州人父斌有隱志好遊覽山水逢來汴洛久而不歸時昌甫三歲及長辭母求父跋涉三年知父已死朝夕號泣已而負骸骨歸塋周王賜孝子詩

栢英

英江都人爲延安衛指揮父卒哀毀幾絕廬墓三載感
狐兔爲侶景泰中詔旌表

毛玘

玘字國珍任人以進士授蒙陰知縣先是母久失明玘
迎養官舍懇祈於天母目復明某忝政以均徭役至意
有所需玘曰殘下媚上吾不爲也卽解任奉母歸

甘澤潤

澤開州人與其弟潤俱以純孝稱自爲兒時凜若成人

能以色養歷官御史既而謫滁州天順改元召還至
秋聞父沒痛哭擗踊幾絕徒跣三百餘里歸塋廬墓蓬
首垢面旦夕泣奠盡哀期年有兔及蛇遊墓旁馴擾如
常弟潤事母霍氏謹篤有司以聞並旌表

江昭

昭字希賢歙縣人母病中夜稽顙北辰祈以身代母病
中若聞香氣疾遂瘳嘗以母命入山視茗有虎咆哮而
至昭神色自若徐云昭身無足惜奈老母何虎俛首而
去

閔玄

玄浮梁人幼失父誠心事母母沒廬墓服闋復追父喪
三年仍服除三十餘年廬墓如居喪日

戴瑱

瑱字守溫少孤母病藥需鰓魚和劑時值嚴冬瑱解衣
入水捕得之及母沒哀毀過常尋以疾卒邑令表公道
爲營塚空題其墓曰方岳之北唐嶺之南孝子之風流
千百年

倪神保

神保連江人幼失父母常念罔極莫報與妻林氏禱於天欲得一木兩枝刻一親像奉祀入石屏山求之果見二木相對乃拜祝曰此水果可刻吾父母當自動者三祝畢果三動遂傭工取直募匠刻之夫婦奉祀一如事生三十年不少替

單植

植六安人父會試卒於京植哭踊奔赴歸葬廬墓晝夜號泣鄰婦至爲糜食貧甚飭粥不繼鄰人輟食以餽之拒不受有司欲上聞辭曰此分內事也何異可聞

洛忠

忠官至清浪叅將早孤奉母備至母卒衷毀不勝塋時
秋雨連旬至期晴霽事畢復雨如初

王原

原文安人父珣困於里役語妻張氏曰吾單弱有田數
十畝不能支役將逃焉張泣留之珣竟去張撫原獨居
原少奉母孝及長問父吞聲不能言既娶月餘跪母前
曰兒將訪父與俱歸母曰兒過矣父久出生死不可知
兒安之原仰天號曰天下豈有無父之人哉兒不得

不生還泣與母別初走涿鹿已徧歷齊魯間一日至田
橫島時日西斜颶風甚急禱於叢祠因宿焉夜夢入古
刹正當午有僧與原飯一盂曰此莎米也味苦吾爲汝
澆以羹羹乃肉汁忽祠門軋然有聲驚而覺一丈人策
杖入問原奚自原實對且語以夢丈人曰日當午南方
也莎艸根附子也調以肉汁附子膾也若急去於山寺
求之原如丈人語趨清源而上渡淇水聞輝縣之帶山
有夢覺寺心動造焉寺有火者訪之卽其父相持大哭
然父絕無歸意原白於主僧泐林泐林曰天作之合非

人力也強之歸原後生男六人孫曾十數人鄉里以爲
孝感云

王弘襄

弘襄字子治歙州人幼失恃嘗聞母欲以杠濟外家山
口裘鳩石爲梁成母志人稱孝子橋

孫瑾

瑾丹徒人父沒停柩未葬嚴冬跣足而步事繼母唐甚
謹唐患癰瑾親吮之卽愈唐雙目喪明瑾旦夕舐之復
明及卒卜日將葬持春苦雨瑾夜號天旦復開霽甫掩

壙復雨

沈輔

輔字良弼父箠母黃氏輔嘗他出忽心動汗流亟馳歸則母癰潰不可救矣哭踊絕水粒者三日父患疾數焚祝願以身代及沒廬墓妻瞿氏事姑舅孝養備至弘治中旌其閭曰雙孝

阮珩

珩字國用順德人遊邑庠兄死告歸耑事其母無心仕進督學潘某巡視至邑強令就試見其文優令復學補

廩應該皆辭一二老成述其孝行於潘潘爲文以彰之
又贈詩有百尺樓高孝子居之句

孫堪

堪字志任中武舉第一歷官都督僉事父燧爲宸濠所
害徒步千里負骸骨歸葬行路悲酸母卒又北走齊魯
號天而望櫬慟哭不置竟殞人稱爲父忠子孝云

亢良玉

良玉臨汾人事父母能色養得其歡心母卒廬墓側朝
夕哀號有芝艸叢生棗葉如蓮之異

金洲

洲字士敦嘉定人事父幾諫繼之以泣居母喪哀毀骨
立動不遺禮嘗知永康有善政以不任勞瘁忽嘔血而
卒學者稱爲沐齋先生

樸素

素爲新安衛所鎮撫幼孤事母極孝年十六母喪塋間
政山去家十里每日至墓泣拜雖雨雪無間後得壽九
十七邦人敬慕之

李軼

轅奉母至孝有客來投宿轅適臨溪烹鷄既具飯不以
供客客怒不食轅曰老母病思肉不得故烹一鷄不及
君也客愈怒而去是夜屋後火起將及廬忽天雨反風
火滅鄰人犇視見客仆死火中火炬猶在手

吳雁

雁字子秋南康人事親盡孝居喪執禮以母合葬於父
廬墓三載

宋璜

璜威縣人流寇倡亂城陷賊入璜室縛璜父璜哀告願

代父死且紿之曰吾知銀處賊隨之覓不得竟遇害父因得免璜妻李氏年二十三伏尸號慟曰汝能替父死妾獨不能替夫死耶不食者三日其姑以撫五歲兒解之乃撫嬰成立爲諸生守節二十餘年清苦始終如一

包實夫

實夫力學明經事親勤謹一日獨行忽遇虎啣其衣曳至林莽中實夫曰汝欲食吾肉何憾念父母垂老缺終身之養虎知吾乎虎乃起復曳其衣至故處而去

馮履祥

履祥字君德慈谿人嘉靖中倭賊犯縣履祥隨父出奔賊偏傷父左手履祥以身蔽之泣訴曰此吾父也願無加害寧殺我賊竟丹之死其妻袁氏遁於靈山時孕已彌月夢一紅面神告曰汝夫爲父死不可使無後當與汝一子次日果生賊欲入境亦見紅面神據要路馬皆策之不前乃靈山驃騎將軍神威之庇與得兒夢符

陳清福

清福南康人正德間父禮魴臨陣失事當斬而逃捕者遂逮清福至軍門清福默然無難色代父死之

侯英 侃

英字世傑開州人與弟侃俱以孝稱年十三時母鍾氏
眼疾憂泣輟食兄弟每夜祈佑越四十九日疾愈英官
江西按察使母死訃聞號泣犇還與侃同廬墓有白鷺
數千旦夕飛鳴塋前

易直

直字子順宜春人少讀小學及朱氏家禮卽躬行不倦
父廷選少違其意卽叱怒直跪伏終日不命之起不起
父疾直嘗糞苦尋愈及再疾以糞味甘爲憂父竟卒嘗

遇寇至抱母哀痛不離賊亦舍之服闕例應貢念祠基
無所主上書求解諸生籍於是結廬陽崖山奉母讀書
自得

閔宗時

宗時鄞人幼喪母奉繼母陳承順篤至倭賊突至舉家
竄避宗時扶父出而遇賊脅取金錢不得拔刀欲殺其
父宗時以身翼蔽泣求自代遂飲刃而死尸諸田間父
遂得釋家奴李三抱宗時幼子不忍舍去亦被賊截左
耳並剗其面屢死屢甦人共傷之

馮行可

御史馮恩疏言三奸下穢予行可尚幼於長安街刺血
書疏言臣父幼失怙賴祖母舍飴哺之不幸忘逆德之
戒遽陷大辟念祖母年八十餘憂傷之深僅餘氣息臣
父死祖母必死惟冀陛下哀憐縛臣置辟而赦臣父得
以苟延母子二人之命陛下戮臣不傷臣心臣被戮不
傷陛下汰通政陳經見而憐之爲封上世宗動容曰忠
孝乃出一家耶弒死戍雷州凡六載赦歸行可甫冠舉
鄉試後移廟御極恩已七十餘進太理寺丞而特旌行

可擊乎以表其廬

毛愷

愷字達和江山人登嘉靖進士
事忤旨謫寧國推官自奉甚薄事母甚孝母遭疾輒泣
禱弗解衣母卒郡僚屬捧道歸莫不感反賻金時有季過
野妻廉方信起之譽

賴汝威

汝威南康人粥糲供母第匿母衣物輒潛置償之溫清
如稚子者三十年母凶廬墓自悲養薄遂終身

郤祥

祥行唐人爲博野令未任卽馳歸省父父病則親嘗湯藥日夜憂惶求以身代及卒過於哀毀以致成疾卒於
縣所有孝行碑在焉

汪存

存字廷堅歙人隨父商歸舟宿邑之汝灘天未明父捨舟先歸人言前路多虎存不待飯冒雨雪追四十里始及父果遇虎山陬存泣告天願虎傷已母傷吾父虎竟去

李文欽

文欽字天存麻城人弘治間舉孝廉判南陽以母老乞養不許知陝州未幾棄官歸養母卒哀毀骨立居鄉質直人咸慕其風槩云

崔克昇

克昇內黃人父邁疾醫弗能療克昇取父大小便嘗之以審輕重卒治得瘳年九十九歲終克昇塋祭一遵家禮跣足負土築墳廬墓三載

許立德

立德文穆公長子母汪夫人患噎苦不能殮亦終日不
殮母沒以積餓哀毀死三日復蘇彷彿見母送之歸既
卜地葬母日夕悲號其側文穆公聞之假病召入燕侍
時念母慟哭文穆公亦慟哭恐傷父心每念欲哭輒掩
面走他所盡哀而後還

解禮

禮鄱陵人父母沒負土壘墓手植松栢樹數千株欲開
井以資灌溉偶出廬行數步如有人來附耳曰此地有
井及掘果得一井

班言

言臨淄人母卒欲遷墓以待父不克終志及父卒遂廬墓六年歲旱邑中獨兩人以爲班氏之所兆云

舒倬俊

倬俊旌德人年十二母王氏病篤每泣禱祖墓願以身代之日儻中藥毒強之藥勿飲泣語母曰昨夢祖來云前代母病兒死事小有母在得善兒父兒兄若弟不至失所兒無憾矣遂瞑未幾母病果愈里人題其墓曰代母墓

羅天奎

大奎南康人幼失怙稍長學藝營生奉母必誠必敬母
亾哀痛悲切喪禮自盡廬墓三年每遇疾風迅雷輒匍
地號哭

鄭泗

泗字子魯歙人母病歷醫不效禱於北辰願以身代母
病尋愈後父母俱喪廬於墓側寒暑不輟有紫芝白鶴
之異

陽可幸

可幸南康人父早逝無遺產事母菽水盡歡及母卒居喪持禮廬墓三年

秦涇

涇字汝清平湖人幼喪母哀毀不勝喪除像事之如生及事繼母失愛事之益謹撫異母弟尤篤卒回繼母心父臥病鄰火及臥所扶昇不及涇但叩頭頷天風反火滅

凌汝祥

汝祥句容人家貧力耕養母母沒廬墓啜粥凡三年不

反私室朝夕哀哭不輟

楊乙

乙武進圩橋人嘗爲酒家傭所獲貲悉携歸養親暇時
潛悲泣主人窺見詰之嗚咽不能對一日忽告去留之
不得曰父母年高恐一朝不測抱恨終天將還爲承歡
計耳去而行乞每得食雖極飢不敢嘗得酒肉輒歌唱
以悅之如是者十年父母相繼亾復乞棺脫已衣以殮
值嚴寒赤身弗恤塋於野露宿墳旁日夕哀號而卒

丐兒

長洲之相城有一丐兒每詣沈孟淵所請丐凡所得多
不食沈令人覘其所送至野岍一舟雖陋頗潔有老嫗
處其中丐出物列陳母前傾酒跪奉伺母持杯方起跳
舞唱山歌以娛母以爲常母死丐不復見

孝經外傳卷之四終

孝經外傳卷之五目錄

周

女媧

漢

淳于女

緱氏女

程氏女

盧氏

涑州竇氏

孔融女

曹娥

陳孝婦

叔先雄

文姬

南北朝

孝婦

唐

木蘭

謝小娥

唐夫人

高愍女

章氏二女

周廸妻

孝娥

饒娥

呂氏

張氏女

元

程孝婦

聞氏

戚氏

明

錢孝婦

儲福妻

李氏女

趙娥

永興王氏

胡氏

賀氏

常州婦

孫復儒妻

貞孝姑

孝經外傳卷之五目錄終

孝經外傳卷之五

楚黃李之素定庵編輯

周

女媧

趙簡子伐楚與津吏期津吏醉不能渡簡子欲殺之女媧請以身代曰妾父餽醉恐心不知非而體不知痛也簡子釋其父弗誅將渡少楫者一人媧請願備父役簡子不許媧曰湯伐夏左騷牝驪右騷牝黃而放桀武王伐殷左騷牝騏右騷牝驪而克紂君但欲渡耳用一婦

人何傷因發河激之歌以鳴其意簡子悅歸納幣於其
父娶之

漢

淳于女

淳于緹縈太倉令淳于意之少女也意無男有五女詔
獄當刑嘆曰生女不生男緩急非有益緹縈悲泣隨至
長安上書曰妾父爲吏齊中皆稱其廉平今坐當刑妾
傷夫死者不可復生刑者不可復屬雖欲改過其道無
由也妾願沒入爲官婢以贖父罪使得自新文帝憐愍

其意釋之因除肉刑

緱氏女

緱氏女名玉陳留外黃人爲父報仇外黃令梁配欲論殺玉申屠蟠時爲諸生進言曰玉之節義足以感無耻之孫激忍辱之子不遭明時尚當旌表其孝况在清聽而不加哀矜乎配善其言乃爲讞得減死論

程氏女

女德與人盜殺其父兄掠女去隱忍數年以計脫告之刺史顏真卿捕盜磔於市女剝其肉以祭父兄

盧氏

鄭義宗妻盧氏畧涉書史事舅姑甚得婦道嘗夜有盜數十持杖踰垣而入家人悉奔竄惟姑在室盧冒白刃至姑側爲賊捶擊幾死賊去後人問何獨不懼盧曰人所以異於禽獸者以其有仁義也鄰里有急尚相赴救况在於姑而可委棄乎若萬一危禍豈宜獨生

涑州竇氏

東漢郡有孝婦竇氏少寡無子養姑甚謹姑欲嫁之不肯姑曰我老久累丁壯奈何其後姑自經死姑女告婦

迫死其母吏捕驗治婦自誣服于公以爲此婦養姑十
餘年以孝聞必不殺姑也太守不聽于公乃抱其具獄
哭於府上因辭疾去太守竟殺婦郡中枯旱三年後太
守至于公曰孝婦不當死咎儻在是乎於是太守自祭
表其墓卽日大雨歲熟

孔融女

孔融爲北海相曹操忌其威望害之女年七歲二子年
八九歲寄他舍聞父被收主人遺肉汁男渴而飲之女
曰今日之禍豈久活何賴知肉味耶兒號哭而已或言

於櫟盡收之。女曰：若死者有知，得見父母，豈非至願？遂延頸就戮。

曹娥

娥上虞人。父盱，善巫祝。午日迎神，泝濤而上，溺死，無覓尸處。時娥年十四，沿江號哭，乃投瓜於江，曰：父在此，瓜當沉。旬有七日，瓜沉，娥投江而死，抱父尸出。

陳孝婦

孝婦陳州人，年十六而嫁，未有子。其夫當行戍，臨行囑婦曰：我生死未可知，幸有老母，無他兄，弟奉養，吾不還。

沙能養吾母乎婦曰諾夫果死於役婦養姑愈加動謹紡績以爲業居喪三年絕無他念其父母哀其無子而早寡也欲強嫁之婦曰夫去時屬女以養姑女既許之夫養姑而不能卒許夫而不能信何以立於世欲自殺父母懼乃止養其姑二十八年姑八十餘終罄貨其所
有以葬之終奉祭祀

叔先雄

叔先雄健爲人父泥和永建初爲縣功曹縣長遣拜檄
謁巴郡太守乘船墮湍水沒雄號泣晝夜生男女二人

並數歲各作囊盛珠環以繫兒數爲訣別之辭家人每防閑之經百許日稍懈雄因乘小船於父墮處慟哭遂自投水死其弟賢夕夢告之後六日當其父同出至期伺之果與父相持浮於水上

文姬

文姬趙伯英妻李固女孝而有智聞父被梁冀誣害泣曰李氏滅矣密與二兄謀豫藏弟燮頃之郡收固三子二兄受害文姬乃告父之門生王成曰君執義與先公有古人節今以六尺委君李氏存滅在此矣遂變服

命入徐州備酒家王成匿其弟賣卜於市比梁冀誅遇赦還文姬對其弟勸曰先公正直爲漢忠臣雖死之日猶生之年慎勿以一言加梁氏聞者悲感

南北朝

孝婦

婦不知姓氏年十九劉曜時嫠居陝縣事叔姑甚謹毀面自誓不嫁後叔姑病死其姑有女在夫家先從婦乞假不得因誣殺其母有司不能察而誅之時有群鳥悲鳴尸上盛夏暴尸十日不腐經歲不雨曜遣呼延謨爲

太守知其冤乃斬姑女而以少牢祭其墓謚曰孝烈貞婦其日大雨

唐

木蘭

木蘭女子父癘不能從軍爲有司所苦因代父戍邊十二年始歸人無知者有戍邊詩傳於世

謝小娥

小娥南昌人嫁段居正居正與小娥父作賈江湖並爲盜所殺小娥亦被傷漂水中經夕而活流轉乞食至上

元妙果寺慶父曰殺我者車中猿門東艸夫曰殺我者
禾中走一日夫娥書此廣求智者辨之元和間李公佐
罷江西從事泊舟至寺尼僧述之李忽然了悟曰殺人
者申蘭申春也小娥徧訪得之乃詭服爲男子託傭蘭
家心憤貌順者二載一日蘭與春皆醉小娥斬蘭首大
呼捕盜鄰人並擒春時潯陽張太守嘉其孝節免死娥
竟爲尼以終

唐夫人

山南西道節度使崔瑄博陵人昆弟子孫之盛鄉族罕

比先是瑄曾祖王母長孫夫人年高無齒祖母唐夫人
事姑孝每旦櫛縱笄拜於階下卽升堂乳其姑長孫夫
人不粒食數年而康寧一日疾病長幼咸集宣言無以
報新婦願新婦有子有孫皆得如新婦孝敬

高愍女

愍女姓高妹妹名也生七歲當建中二年父彥昭以濮
陽歸天子前此者有質妹妹與其母兄者使彥昭守濮
陽及彥昭以城歸妹妹與其母兄皆死其母李氏也憐
妹妹之幼無辜請獨免其死而以爲婢衆皆許之妹妹

不欲曰生而受辱不如死母兄皆不免何獨生爲其母
與兄將被刑咸拜於四方妹妹獨曰我家爲忠臣宗族
誅夷四方神祇尚何知問其父所在之方西嚮哭再拜
遂就死太常謚之曰愍

章氏二女

章頴二女新安人母程氏與二女登山採桑母爲虎所
攫二女號呼搏虎母獲免終身侍奉不嫁刺史嘉之蠲
其戶稅名其所居爲孝女鄉

周廸妻

廸洪州商人携妻之江都唐末楊行密圍城軍士乏食
市肆殺人賣肉廸妻曰窮蹙至此勢難而全君有老母
在不可不早歸養請賣妾以備行資遂自詣屠肆得金
與廸別廸不信追至肆中則妻首已在案上矣

孝娥

孝娥池州人父爲鐵官冶鐵不流娥懼父得罪投爐中
鐵遂湧注今池州府有孝娥祠

饒娥

娥樂平人父漁於江風作舟覆沉其屍娥年十四哭水

上不食三日死鄉人異之爲立廟柳宗元碑紀

呂氏

呂氏名良晉江人父仲洙病殆良子與妹俱切良焚香祝天請以身代時夜半羣鴉飛噪空中有大星燿燿者三次日父瘳太守真德秀表其居曰懿孝

張氏女

張氏羅江士人女其母楊氏寡居一日親黨有婚會母女偕送其典庫雍乙者從行既就坐乙先歸會罷楊氏歸則乙死於庫莫知殺者當事疑楊有私殺乙以滅其

口遂劾治楊並逮其女拷掠無寔不勝苦毒女謂其母
曰母以清潔聞奈何受此汚辱寧死不可自誣女今訟
免於天言終而絕於是石泉三日地大震有聲如雷天
雨雪屋瓦皆落邦人恐懼太守疑其獄夕具衣冠禱於
天俄假寐坐廳所恍若大猿墜前驚寤呼吏卒索之不
見有門吏忽言張氏饋食之人曰表大太守悟使吏執
表至曰殺人者汝也表色動遽曰吾憐之久矣願就死
問之云適盜庫金會乙歸遂殺之楊乃得免時女死纔
數日獄上榜其居曰孝感坊

元

趙孝婦

孝婦應城人早寡家貧傭織於人得美食必持歸奉姑自啖不厭麤糲嘗念姑老一旦有不諱無由得棺乃鬻次兒得錢百緡買杉木治之棺成置於家南鄰失火時風烈甚婦扶姑出避而棺重難移乃撫膺大哭曰賣兒得棺無能爲我救之者風忽轉而北婦家竟免

聞氏

聞氏紹興人俞新之妻也新早沒聞年少父母欲更嫁

之聞曰一女二夫烈婦所耻妾可無生可無耻乎姑病
任褥子在襁褓妾去之令誰視乎卽斷髮自誓姑久病
失明聞奉養不怠每漱口上堂拜天舐其目目爲復明
及姑卒家貧無資傭工與子負土成墳朝夕悲號鄉里
咸曰欲學孝婦當問俞母

戚氏

戚孝婦名元符舅姑性嚴元符奉事彌謹每謂妯娌曰
我得人身生於中國尚爲女子亦所闕也今父母皆死
惟舅姑尊耳雖被責亦所不問

明

錢孝婦

晉陵顧成娶錢氏爲媳媳寧母家時疫勢甚盛成母先病諸子婦共八人俱伏枕婦聞言卽趨慰父母力阻之婦曰人之娶妻原爲翁姑生死大事今恐心不歸與禽獸何異吾寧卽死不敢望父母顧也隻身就道病姑見鬼神相語曰衆神皆衛孝婦歸矣吾輩不速避被譴不小卽日八人頓蘇

儲福妻

諸福無錫人初隸燕山衛籍福故矜名節靖難師起逃
歸後購戍卒入伍福亦在錄中仰天嘆曰吾雖一介下
走義不事二君不食死妻范氏年二十有色奉姑甚謹
每哭夫則走入山谷中大號不欲聞之姑也家貧一日
浣衣水澗見其旁忽生艸若蘇州蓆艸取織蓆售以膳
姑姑卒營塋廬於墓側年八十餘卒蓆艸遂不生土人
義之葺其廬爲崇孝庵

李氏女

女名善瑜歙州人適葉元賁長子年三十自十八事舅

姑極勤謹已雖飢寒凡飲食不敢嘗啖以奉舅姑病甚家貧不能召醫乃祈告天地願以身代舅姑病頓蘇

趙娥

趙娥酒泉人父安爲季壽所殺娥兄弟俱病死自傷父仇未報乃袖劍白日刺壽於都亭詣縣曰父仇報矣請受戮令欲釋之娥曰不敢偷生枉公訟也會赦免

永興王氏

王氏有女五歲失明而孝年三十父死伏尸哭淚盡以血其少妹舐其血左目忽明

胡氏

胡氏歙州吳輝甫妻舅舉三子議析箸胡願留養姑舅
年八十憐他孫不振輒減膳遺之胡知更豐其膳姑臨
終語胡曰婦至孝猶能恤吾寡女乎胡遂迎而膳之時
人譽曰女中曾子

賀氏

賀氏兗州民家婦夫與販筵來州郡賀爲婦未旬夫卽
外出經數年始歸歸數日復出不聞一錢濟母給妻問
巷呼爲不肖子所得之利別於他處給小妻賀雖知每

夫還欣然承事未嘗微露母於飲食並言小妻事其子
自慚非理毆其妻賀亦不之懟母老病凍餒切骨婦紡
織資之所得傭值盡歸姑既而寒不營衣饑不飽食姑
又日加凌虐婦益敬謹下氣怡聲雖閉室無人所亦無
怨嘆夫嘗挈小妻至家賀以女弟稱之待之殷勤殊無
愠色爲婦三十餘年夫在家前後無一載能勤力奉養
始終無怠

常州婦

常州一村媪老而盲惟一子一婦婦一日方炊未熟而

其子呼之田所婦囑姑爲畢其炊媪盲無所覩飯成捫
器貯之誤得溺器婦歸不敢言先取其當中潔者食姑
次以餉夫其惡者乃以自食良久天忽晝暝其婦暗中
若爲人攝去俄傾開明身乃在近舍林中懷中得小布
囊貯米三四升適足供朝哺明旦視囊米復如故寶之
至於終身

孫復儒妻

復儒妻金氏武進人年二十四夫亾守節翁病劇六十
晝夜不眠親調湯藥自鬻奩資以供翁費

貞孝姑

施氏女婺源人父母沒遺弟僅二歲家頗厚女恐既嫁而族人將不利於孺子乃貞不字散家產什之一以遺親族親族戴其惠遂不復忌孤及孤長女爲娶婦時女年垂四十矣親族請卜婿弟跪泣以請姑亦泣曰我生死施氏女也若勿強我遂聽其志終身不嫁邑中紳士私謚曰貞孝姑

先君子教讀寶山山莊生平以孝爲首重不獨謂求忠
臣必於孝子之門蓋五倫百行不本於孝其他皆僞
也不孝煥趨庭之下未能一一遵奉常自抱愧今

先君子棄養且十年矣會記易寶時呼煥兄弟命之曰
吾生平著述無多惟孝經內外傳數卷乃心力所萃
誠教孝之良書也汝曹其身體而力行之他日儻能
梓之以公天下是又在兒之善繼善述也煥與弟舍
淚跪受卽什襲藏之會幾何時音容宛在而手澤徒
存丙申筮仕南康春露秋霜已四閱烝嘗至今讀子

欲養而親不逮祭而豐不歿養之薄諸語未嘗不惟
胸頓足涕淚交流也所賴南康民淳訟簡政事之暇
得與梓人商厥梨棗歷今五載告竣未敢云能讀
父書或藉以慰

先君子在天之靈而追不孝之罪於萬一也乎昔

康熙庚子春三月長男煥謹識於蓉江官署